

Nr.

3

«ՄԱՍԻՄ» Ո-ՀԱՅ ՀՐԱՏ. ԱՆԱՆ. ԸՆԿ.

10

Լ.Ե.Ց

ՄԱՍԻՄ ՊԵՂԱԿԱՆ

<ՄԱՍԻՄ>



891. 99մ

Գ-13

Ա. ԳԱԲՐԻԵԼԵԱՆ

Մ Ր Զ Ւ Խ Ն Ե Ր Ը

1935

ԳԱՅԻՔԻ

891.995

4-13

H. KASHMANIAN
70-11 GROTON ST.
FOREST HILLS 28, N. Y.

G 2.0
013

1/3

ԹԵ ԻՆՉՊԵՍ Կ'ԱՊՐԻՆ ՄՐՁԻՒՆԵՐԸ.

Գարնանալին գեղեցիկ օր մը , կանանչապարդ անտառին մէջ , հաղիւ նշմարելի նեղ շաւիղէ մը կ'անցնէին երեք մրջիւններ : Թէ ո՞ւր կ'երթային կամ ո՞ւր կը շտափէին՝ յայտնի չէր , միայն թէ շարունակ դէպի յառաջ կ'երթային :

Այդ վայրկեանին մէկ բան միայն կըզբաղեցնէր հանոնք , այն էր՝ կարելի եղածին չափ շուտ հեռանալ բգէզներէն ու մողէսներէն ու չը հանդիպիլ անոնց : Այդ անպիտան բգէզները յաճախ կը կտրէին իրենց ճանապարհը :

Մեր մրջիւնները գեռ հեռուէն , երբ կըզբային թշնամիին մօտենալը , իսկոյն կը շեղէին իրենց ճամբուն զիծէն , կը մնային խոտերուն մէջ ու հոն կ'ապաստանէին , մինչեւ որ բգէզը կամ զիշատիչ միջառը անցնէր ու երթար :

Բայց իրենք ո՞ւր կ'երթային արդեօք :

Երեքն ալ յանկարծ կանգ առին ու սկսան իրենց գլխուն վրայ գտնուող շօշափուկները արագ արագ շարժել :

Անոնցմէ մէկը իր շօշափուկները մօտեցուց միւսի շօշափուկներուն (այդպէս կը խօսին իրարունեալ մրջիւնները) և ըստ :

— Կարա՛ , իմ կարծիքով այս ճամբան այնքան ալ ապահով չէ :

— Ինչո՞ւ , Միրմօ , — հարցուց կարան :

— Ինչպէս թէ ինչու , մի՞թէ չես տեսներ , որ

„MASIS“
SOCIETATE ANONIMĂ DE EDITURA
CAPITAL SOCIAL LEI 500.000
SEDIUL — BUCUREŞTI — B-dul MARIA No. 8 Etaj II

SEDIUL — BUCUREŞTI — B-dul MARIA No. 8 Etaj II

այդ գիշատիչ բգէզները հանգիստ չեն թողուր մեղ.
քանի քանի անգամ կտրեցին մեր ճանապարհը :

Կարան բան մը չը պատասխանեց, որովհետեւ
ան ալ համաձայն էր Միրմոյին հետ և աւելի զայրա-
ցած էր :

Մինչեւ այդ ատեն երրորդ մրջիւնը լուռ կե-
ցած էր, բայց երբ տեսաւ, որ կարան և Միրմօն
կանգնած կը մտածէին բգէզներուն մասին, մօտե-
ցաւ անոնց և իր շօշափուկները սկսաւ քսել նա՛խ
մէկուն և յետոյ միւսին շօշափուկներուն, որով ու-
ղեցըսել այսպէս.

— Տղա՛ք, ամէնէն լաւն է, փոխանակ խօսե-
լու և պարապ տեղը ժամանակ կորսնցնելու, շա-
րունակենք մեր ճանապարհը :

Այս ըսելէն վերջ՝ կօնօն, առանց ընկերներուն
նայելու, ճամբան շարունակեց :

— Կեցցէ՛ մեր կօնօն —ըսաւ Միրմօն —կը
սիրեմ իր անվախութիւնը, շա՛տ խելօք բան ըսաւ:
Ես կը հետեւիմ իրեն: Երթա՞նք, երթա՞նք: Պէտք է
շուտ գտնել մեր նոր բնակարանին տեղը. — այսպէս
վերջացուց իր խօսքը ու վազեց կօնոյին ետեւէն:

Կարան ալ անոնց հետեւեցաւ: Շուտով երեքն
ալ, թշնամիներուն վտանգը մոռցած, արագ-արագ
վաղեցին առաջ :

Բաւական յառաջացած էին, երբ հեռուէն լոյս
մը երեւցաւ: Անտառը վերջանալու վրայ էր:

Մը ջիւնները իրենց քայլերը արագացուցին:
Շուտով դուրս եկան անտառէն ու մտան անհամար
ծաղիկներով զարդարուած բացաստան մը: Մեղու-
ները, թիթեռնիկները ու բգէզները անդադար մէկ
ծաղկէն միւսը կ'անցնէին:

Երեք մը ջիւններն ալ զգացին ծաղիկներուն
քաղցր բուրմունքը: Կարան հիացած բացադանչեց.

— Օ՛, ինչ հիանալի է, այստեղ շատ հիանալի
կ'ըլլայ մեղ համար: Ո՛րքան մնունդ ձեռք կը բերուի
մեր կովերուն համար:

— Գիտէք ի՞նչ կայ —խօսեցաւ կօնօն —ին-
ծի կը թուի, թէ այստեղէն ըիշ մը հեռուն արտեր
պիտի ըլլան, ուրկէ մեր ձմեռուան պաշարը կը ժող-
վենք և մեր փոքրիկները առատ մնունդ կ'ունենան:
Կեցցէ՛... յառա՞ջ...: Հը, Միրմօ, ինչո՞ւ կանգ ա-
ռիր...

Կարսն ու կօնօն ուրախ տրամադրութեան մէջ
էին, իսկ Միրմօն մոայլ կանգ առած էր. որքան ալ
որ շարժեցան ընկերները, ան քայլ մը անգամ առաջ
չը գնաց: Միրմոյի շօշափուկները արագ-արագ կը շար-
մէին: Կարան այլեւս չը կրցաւ համբերել ու հար-
ցուց.

— Միրմօ՛, ինչո՞ւ ես կեցեր, է:

— Սպասէ՛, մի՛ խանգարեր, զայրացաւ ան
ու, մէկ-երկու քայլ առնելէ վերջ, նորէն շարժեց իր
շօշափուկները:

— Գիտէք ի՞նչ կայ. ճիշտ է, որ այստեղ լա՛ւէ
ու շա՛տ լաւ... բայց... բայց առանց վտանգի չէ: Ես
շա՛տ լաւ կը զգամ թշնամիներուն հոտը, որ երթա-
լով աւելի կը մօտենայ: Զէ՛, եկէ՛ք հեռանանք ասկէ,
ուրիշ ճանապարհ մը վնասունք...: Միթէ բան մը
չէ՞ք զգար դուք:

Կարան ու կօնօն ալ շարժեցին իրենց շօշ-
ափուկները: Գուցէ իրենք ալ առաջուրնէ զգացած էին
թշնամիներուն մօտենալը, բայց այնքան տարուեր
էին ծաղիկներուն բուրմունքէն, որ մոռցեր էին վր-
տանգը: Իսկ երբ թշնամիներուն հոտն առին, այն-
քան վախցան որ, մոռնալով իրենց ընկեր Միրմօն,
սկսան վախցիլ:

Շա՛տ քիշ է պատահած, որ մը ջիւնները անհա-



մածայն ըլլան իրարու, ու այս անգամ ալ այսպէս պատահեցաւ, բայց շատ երկար չը տեւեց: — «Ե՞ն, մտածեց Միրմօն, կարան ու կօնօն խելօք բան ըրին, ևս ալ հետեւիմ անոնց»:

Վազեց, վազեց, բայց Միրմօն չը գտաւ դանոնք, սիրտը կոտրեցաւ:

Ո՞ւր կորսուեցան, — ըստ ինքնիրեն ու բարձրացաւ ցողունի մը վրայ: Երկար նայեցաւ բոլորտիքը, բայց ընկերները չը գտաւ. շօշափուկները անընդհատ շարժումի մէջ էին և, ընդհակառակը, փոխանակ իր ընկերներուն, թշնամիներուն հոտն էր, որ կ'առնէր շարունակ:

«Ա՛, մտածեց Միրմօն, ուրեմն թշնամիներն ալ զգացեր են մեր երեքին մօտենալը ու ասոր համար է, որ կը հետապնդեն մեզ»:

Զգաց, որ թակարդի մէջ են ու ա՛լ ազատում չըկայ իրենց. ո՛վ գիտէ, գուցէ իր երկու ընկերները հիմա իսկ անոնց ճանկն են ինկած արդէն:

Միրմօն վախցաւ, բայց իրաւունքունէր. իրեն տեղը ո՛վ որ ալ ըլլար, պիտի վախնար, ու սկսաւ շտապել:

ԹՇՆԱՄՄԻՆԵՐԸ... ԹՇՆԱՄՄԻՆԵՐԸ...

Երբ ուզեց ցողունէն վար իջնել, յանկարծ խոտի խշխոցի ձայն մը լսեց ու ապա սաստիկ զգալի եղաւ թշնամիներուն հոտը. և այլ երբ վար նայեցաւ, սիրտը դողալ սկսաւ...: Վա՛յ, Տէր Աստուած... ինչքա՞ն մըջիւններ կա՛ին գետնին վրայ, որ կուգային ու ցողունին շուրջը կը հաւաքուէին: Խեղճ Միրմոյի գլուխը դառնալ սկսաւ ու քիչ մնաց, որ վար իյնար ցողունին վրայէն, բայց ինքովնքը ամփոփեց ու սկսաւ աւելի վեր բարձրանալ:

Ատոնք թշնամիներ էին, կատաղի թշնամիներ:

Միրմօն զգուշութեամբ բարձրացաւ ու նստաւ ցողունին ծայրը, իսկ վարը թշնամիներուն թիւը երթալով աւելի կը շատնար. անոնք կը մտածէին, թէ ինչպէս ընեն, որ այդ օտար երկրացի մըջիւնը ողջ-ողջ բռնեն:

Անոնցմէ մէկն ըստաւ.

— Կարծեմ աւելի լսաւ կ'ըլլայ, եթէ մեզմէ մէկը վեր բարձրանայ և այդ օտարականին լսէ, որ այսուհետեւ ինքը մեր գերին է և պէտք է որ հնագանդի մեզի:

Ամէնքն ալ համաձայն գտնուեցան անոր հետ: Մըջիւններէն ամենառութեղն ու յաղթանդամը սկսաւ վեր բարձրանալ: Թէեւ Միրմօն հասակով փոքր էր, բայց ա՛ն ալ նուազ ուժով չէր. երբ ցողունին ծայրէն անոր բարձրանալը տեսաւ, իսկոյն վճռեց ողջ չինալ թշնամիներուն ձեռքը ու պատրաստուեցաւ մինչեւ վերջին շունչը կոռուելու:

Թշնամի մըջիւնը անվախօրէն կը բարձրանար վեր ու քիչ քիչ կը մօտենար Միրմոյին... բայց յանկարծ Միրմօն իջաւ քիջ մը վար, հասաւ թշնամիին, իր ամուր ծնօտներով բռնեց անոր գլուխը մարմինէն բաժնող նեղ տեղէն, կտրեց ու վար նետեց և նորէն բարձրացաւ վեր ու գնաց իր տեղը սպասեց:

Անգլուխ թշնամին վար ինկաւ. վարը կեցողները շատ զայրացան:

Միրմօն ինքն ալ շատ էր բարկացած: Գիտէր որ, վերջի վերջոյ, զինքն ալ պիտի սպաննեն և ասոր համար ալ վճռեց քաջութեամբ մեռնիլ: Բայց ահա ծանօթ ու հաճելի հոտ մը զգաց. վար նայեցաւ, մէյ մըն ալ ինչ տեսնէ, կարան էր, իր սիրելի ընկերը, որ շտապով վեր կը բարձրանար: Միրմոյի ուրախութեանը չափ չը կար:


— Միրմօ՛ ճա՞ն, ըստ կարան ուրախացած,

այդ դուն ես :

Միրմօն հարցուց զարմացած .

— Բայց դուն ի՞նչպէս ինկար անոնց ձեռքը ,
կարա՞ :

— Օ՛ , Միրմօ՛ , այդ մասին ուղիշ անգամ կը
պատմեմ , եթէ ողջ մնանք , բայց հիմա գործով դրկած



են զիս քու մօտդ : Ի՞նչ մտադիր ես ընել : Թշնամի-
ները չափազանց շատ են . կը հնազանդի՞ս : Միայն
իմացիր , որ անոնք ստրկատէրեր են :

Միրմօն բարկացաւ .

— Ես հնազանդիմ , երբէ՛ք : Թողնախ սպաննեն
զիս և յետոյ ինչ կ'ուզեն թող ընեն : իսկ դո՞ւն , միթէ
արդէն մոռցե՞ր ես մեր ցեղային յատկութիւնը՝ մնալ

ագաստ , ոչ ոքէ կախում չունենալ և ծառայել միմիայն
մեր սեփական հայրենիքին Միթէ մտադիր ես
անոնց ստրուկը ըլլալ . . . բայց ո՞ւր է կօնօն :

— Կօնօն քաջաբար կռուելով մէկ քանի տեղէ
վիրաւորուեցաւ և թշնամիները իրենց բնակավայրը
տարին զինքը :

Միրմօն լաելով կօնոյին քաջագործութեան մա-
սին՝ ա'լ աւելի ոգեւորուեցաւ :

— Կեցցէ՛ կօնօն , ըստ ան , կը տեսնե՞ս
Ո՛չ , գնա՛ , գնա՛ , ըսէ՛ քու նոր տէրերուդ , որ ես
որոշած եմ մինչեւ վերջին շունչս կռուիլ :

Կարան անշարժ կեցած էր , կարծես մտադիր չէր
ցողունէն վար իջնելու :

Միրմօն հարցուց .

— Ինչո՞ւ չես երթար . գնա՛ , կարա , եթէ ու-
շանաս՝ լաւ չըլլար քեզի համար :

— Ո՛չ , Միրմօ՛ , ես ալ կը մնամ այստեղ , թո՛ղ
զիս ալ սպաննեն քեզի հետ :

Միրմօն աւելի քաջալերուեցաւ . շօշափուկները
մօտեցուց իր ընկերոջը ու սկսաւ քնքշաբար շոյել
զայն :

ԹՇՆԱՄԻՆԵՐՈՒՆ ՎՃԻՌՈՅ . — ԱԶԱՏՈՒԹԻՒՆ

Վարի թշնամիները անհանգիստ էին : Կարան
խարեց զանոնք . գնաց ու ալ չը վերադարձաւ :

— Ա՛ , այդպէս ուրեմն , — ըսին ու վճռեցին
երկուքն ալ ողջ չը թողուլ :

Ահազին իրարանցում ինկաւ թշնամիներուն
մէջ : Այլեւս չէին համարձակիր վեր բարձրանալ : Ի-
րենցմէ քանի մը հոգի փորձեցին այդ բանը , բայց
վախնալով Միրմոյի և կարայի բռնած դիրքէն արագու-
թեամբ վար իջան : Թշնամին վճռեց ուրիշ միջոցի զի-

մել : Ամենքն ալ հաւաքուեցան Միրմոյի և կարայի եւ-
ղած ցօղունին վրայ ու սկսան կրծել զայն :

Մեր քաջերը զգացին թէ շուտով ցօղունը վար
պիտի իյնայ, ուրեմն ալ վրկութիւն չըկայ իրենց
համար :

Յօղունը սկսաւ թեքուիլ, մէկ կողմ ծոփլ և մազ
էր մնացեր որ վար իյնար, երբ յանկարծ սարսափելի
շփոթութիւն մը ինկաւ թշնամիներուն մէջ . աղմուկ
ու տերեւներու այնպիսի շշուկ մը բարձրացաւ, որ
ամէն բան իրար խառնուեցաւ :

Յանկարծ, այդ վայրկեանին, մէկ քանի աղուէս-
ներ կը վազվուէին անտառին մէջ . միաժամանակ
քանի մը զայրացած և լեզունին դուրս հանած
շուներ կը հալածէին զանոնք ետեւէն : Շուները ճամ-
բուն վրայ հանդիպած բոյսերը կոխկրտելով յառաջ կը
սուրային, իսկ իրենց ետեւէն ալ կուգային որսորդնե-
րը՝ հրացանները ձեռքերնին բռնած : Աղմուկով խրա-
խոյս կուտային շուներուն :

Այս բոլորը տեղի ունեցաւ կարճ միջոցի մէջ .
ու երբ անոնք անցան զացին, նորէն լուռթիւնը տիրեց
անտառին մէջ :

Չոր տերեւներու տակէն շուտով դուրս եկան
մեր երկու քաջերը : Անոնցմէ մէկուն ձախ շօշափուկը
(շօշափելիքը) քիչ մը վիրաւորուած էր, բայց երկուքն
ալ լաւ կըդպային ինքոնքնին :

Միրմօն ու կօնօն սաստիկ զարմացած էին
պատահածին վրայ :

Այս ի՞նչ աղմուկ էր և ի՞նչ այլանդակ, ուժեղ
կենդանիներ էին, որ անցան իրենց մօտէն . չը կըցան
հասկնալ : Միայն գետին ինկած տեսան այն ցօղունը,
որուն վրայ այնքան երկար ժամանակ մնացեր էին
պաշարուած :

Յօղունին շուրջը ահազին քանակութեամբ թըշ-

նամիներ էին փոռւած անշունչ : Մէկ հատիկ կենդա-
նի մընթիւն չը կար, որը վախսեր էր, որն ալ ոտքի
տակ մնալով ոչնչացեր էր :

Միրմօն ու կարան շնորհակալ ըլլալով իրենց
անցայտ ազատարարներէն, բոլոր ուժերնին հաւաքե-
րով շտապ կերպով հեռացան այդ տեղէն :

— Փա՛ռք մեզ ազատողներուն, ըստ Միրմօն :
Տեսա՞ր, կարա՛ ճան, եթէ ես չ'ըլլայի՛ հիմա սպաննած
կ'ըլլային քեզ . . . : Դէ՛, աճապարէ՛, արագ շարժինք :

Վերջապէս մեծ դժուարութեամբ կըցան իրենց
ճանապարհը գտնել : Տիսուր ու յոգնած կը շտապէին
տուն : Բայց ա՛փսոս որ իրենց ընկերներէն մէկը բա-
ցակայ էր . կօնօն չէր երեւար :

ՄԻՐՄՈՅԻ ԵՒ ԿԱՐՍՅԻ ՎԵՐԱԴԱՐՁԼ

Արեւն արդէն մարը մտած էր : Մընոցին
բաւական մօտ եղող անտառէն երկու մընթիւններ
դուրս եկան : Անոնք շա՛տ յոգնած էին ու փոշոտած,
կ'երեւէ թէ հեռու տեղէ կուգային :

Անոնցմէ մէկն ըստ ընկերոյն .

— Ո՛ւֆ, Միրմօ ճան . . . ո՛ւֆ, ի՞նչպէս յոգ-
ներ եմ . ե՞րբ պիտի հանգստանանք :

— Կարա՛, ըստ Միրմօն, կըզգամ թէ մօտ ենք
մընոցին : Միթէ չես զգար մերիններուն հոտը :

— Ախ, անիծուին մեր թշնամիները, որ կոտ-
րեցին շօշափուկներէս մէկը ու հիմա լաւ չեմ զգար
ուսաջուան պէս :

— Իսկ ես լաւ կըզգամ, կարա, որ եթէ այս
բոլորն ալ անցնինք՝ շատ մօտ կ'ըլլանք մեր տունին :
կարան ուժ առաւ քիչ մը :

— Օ՛վ, Միրմօ', երկար կը հանդստանանք ու
լու մը կը քնանանք :

— Հարկա՛ւ, կարա՛, կը քնանանք, եթէ մեր ընկերներն աշխատանքի չը կանչեն մեզ:
Երկուքն ալ լոեցին:

Անոնք անցան արտի մը մօտէն: Անհամար ծաղիկներ կային ու անոնց անուշ հոտը տարածուեր էր օդին մէջ:

— Նայէ՛, ըստ Միրմօն, ու լա՛ւ յիշէ սա արտը, շուտով հասկերը կը համնին. պէտք է զար այստեղ և ձմեռուան համար պաշար հաւաքել:

Կարան բոպէ մը լոելէ յետոյ պատասխանեց.

— Էհ, Միրմօ՛, գեռ երթանք տուն, լաւ մը հանգստանանք, յետոյ նոր յոգնութիւններու մասին մը մտածենք: Այ, զիս գերի տամող մըջիւնները բոլորպին ալ չէին մտածեր աշխատանքի մասին:

Միրմօն գոհ չը մնաց անոր խօսքերէն:

— Այ-այ-այ-այ-ա... կարա՛, ուրեմն, ճիշտը ըսէ՛, գուն ալ հաւնեցա՞ր անոնց անգործութեանը: Այդ բանը չէի սպասեր քեզմէ: Զէ՞ որ անոնք աւազակներ են, ուրիշի աշխատանքը թալանող, յափշտակո՞ղ բոնականեր: Վայ, վայ, վայ, ուրեմն գուն կը հաւնի՛ս անոնց, հա՞, անոնց՝ որ խոյս կուտան ազնիւ աշխատանքէն և ասոր անոր ճակտին քրտինքով կ'ապրին:

— Զէ՛, Միրմօ, ես չե՛մ համակերպիր անոնց, բայց հաւատա՛ որ շատ յոգնած եմ...: Գիտե՞ս, ի՞նչքան եմ չարչարուեր անոնց մօտ. ինչ որ ուղէին՝ ընել կուտային ինձ. մտքէդ անցած ամէ՛ն բան... բայց, բաւակա՞ն է... երթա՞նք, երթա՞նք... սակայն սպասէ՛... զգացի, զգացի, մօտեցած ենք մեր տունին, վագե՞նք:

Այդ միջոցին հանգստութիւն կը տիրէր մըջնոցին մէջ: Բանուորները եռանդագին կը շարունակէին իրենց աշխատանքները:

Գլխաւոր մուտքին մօտ եղած պահակները յանկարծ սկսան անհանգստութեան նշաններ ցոյց տալ: Անոնք զգացին, որ երկու մըջիւններ շտապով իրենց կողմը կուգան: Իսկոյն դուրս եկան զինուորները, իսկ բանուորները բոպէ մը դադրեցուցին աշխատանքները ու մնացին սպասողական դրութեան մէջ:

Մըջիւններէն մէկ քանիները յանկարծ սկսան ուրախութեան շշնկոյններ հանել իրենց ծնօտներով: Շատերը իրար միացուցին շօշափուկները և հետեւեալ ուրախալի լուրը յայտնեցին իրարու.

— Ընկերնե՛ր, մերիններուն հոտը կուգայ, մերիններն են:

Երկիւղը չքացաւ. հիմա բոլորն ալ անհամբեր՝ եկողներուն կը սպասէին:

Կարան ու Միրմօն այնքան յոգներ էին որ, երբ տեղերնին հասան, ուժապառ ինկան իրենց ընկերներու ոտքերուն տակ:

Ընկերները ճանչցան զանոնք ու սկսան ինսամբ տանիլ. մէկ-երկուքը անոնց փոշին կը մաքրէին, իսկ մէկ քանիներն ալ անոնց համար սննդարար ու դոփացուցիչ հիւթեր կը բերէին:

Ըսկերներուն ուրախութիւնն անսահման էր: Զդութեամբ նորեկները տարին վարի սենեակը, որտեղ զով էր ու հանգստաւէտ...: Կարան ու Միրմօն իսկոյն հանգիստ քնացան:

ԱՇԽԱՏԱՆՔԸ ՄՐՁՆՈՑԻՆ ՄԷՋ. — ՀԻՒԹԱԼԻ ՊԱՇԱՐ

Թէեւ լոյսը գեռ նոր բացուեր էր, բայց մեր բոլոր մըջիւններն ալ զործի էին արդէն: Այդտեղ էին նաեւ Միրմօն և կարան: Միրմօն իր ծնօտներով բոներ էր սպիտակ բան մը ու շտապով

դէպի մեծ սրահներէն մէկը վազելու վրայ էր : Եւ, երբ հակառակ կողմէն եկող կարային հետ դէմ առ դէմ գտնուեցաւ, խսկոյն շօշափուկները անոր շօշափուկներուն քսելով ըստաւ .

— Կարա՛, ի՞նչ պարապ ման կուգաս . վազէ՛ թագուհին մօտ . անիկա հոն, երկրորդ սրահին մէջ, ձուիկներ կ'ածէ, իսկ ընկերները կը հաւաքեն զանոնք . այ, ես ալ վերցուցի ու կը տանիմ հիմա այդ ձուիկները իրենց համար յատկացուած սենեակը : Դէ, շուտ գնա :

Կարան վազեց :

Միրմօն վար դրաւ ծնուաներուն մէջ բոնած ձուիկը : Այդ միջոցին մէկ քանի մրջիւներ շտապով վազեցին դէպի երկրորդ յարկին խորքը : Ի՞նչ էր պատահեր :

Միրմօն կ'ըսէ կարային .

— Չուիկը պայթեցաւ, կեղեւը բացուած է, շուտ երթանք, գուցէ միւմներն ալ պայթին և անոր համար պէտք ունենան մեր օգնութեան :

Իրաւ ալ ձուիկներէն մէկուն կեղեւը պայթեր էր արդէն և մէջէն կ'երեւար անշարժ թրթուրը : Այդ թրթուրը ո՛չ աչք ունէր և ո՛չ ալ ոտքեր, այլ միայն զլուխ մը և մարմին մը, որ կը բազկանար տաներկու օղակներէ : Դեռ չը զարգացած մրջիւն էր ան, որ յետոյ մրջիւն պիտի դառնար :

Բանուորները հանեցին թրթուրը և տարին անոր յատկացուած տեղը : Այդ տեղը այլեւս ձուիկներ չըկային, բոլորն ալ թրթուրներ էին, որոնք օրէ օր աւելի կը զարգանային ու կը մեծնային :

Երբ թրթուրը քիչ մը կը զարգանայ ու մրջիւնի նմանութիւն կրտտանայ, խսկոյն կրսկի իր շուրջը բոժոժ հիւսել ու մէջը թագնուիլ և քնանալ : Կը քնանան այնքան, մինչեւ որ արթննալու ժամանաւ

կը գայ :

Սպիտակ թրթուրը բոժոժին մէջ արդէն մրջիւնի գլուխ ունի, ծալլուած շօշափուկներ ու ծալլուած ոտքեր . զլսուն վրայ կ'երեւին երկու գորշ կէտեր . անոնք մրջիւնին ապագայ աչքերն են : Մրջիւնն անշարժ է բոժոժին մէջ, ան կը զարգանայ այնտեղ և կ'ամրանան հոն իր մարմնին անդամները :

Միրմօն, կարան և մէկ քանի բանուորներ հաւաքուեր էին բոժոժներէն մէկուն շուրջը . անոր մէջ եղող մրջիւնը արթննալու վրայ էր : Նորածինը թոյլ է . ան միայն իր ուժերով չի կրնար դուրս գալ բոժոժէն, այլ օգնութիւն է հարկաւոր :

Բոժոժներէն մէկուն թելերը կարծես թէ բացուելու հակամէտ չեն : Բանուոր մրջիւնները սկսան կրծել բոժոժին մէկ կողմը և խորշ մը բանալ . յետոյ ալ լանցուցին այդ ծակը և ազատեցին մէջի մրջիւնը :

Ուրիշ տեղ մըն ալ երկու թէ երեք մրջիւններ դուրս հանեցին բոժոժներէն :

Նորածինը կը փորձէ ման գալ : Այս կողմը կ'անցնի, թրըխկ, յանկարծ բանի մը կը դպչի . այն կողմը կ'անցնի, թրըխկ, ուրիշ բանի մը կը դպչի, վերջապէս չի կրնար ճամբան գոնել :

Միրմօն ու կարան մօտեցան, սկսան օգնել անոր ու փաղաքշել զայն իրենց շօշափուկներով : Մ՛վ գիտէ, թերեւս ըսին . «բարի՛ եկա՛ր», կամ ուտելու բան առաջարկեցին իրեն :

— Հրամմէ՛, մընի՛կ, ըստ Միրմօն, որ իր բերնին մէջ հաւաքած քաղցր հիւթով սկսաւ կերակը զայն :

Օ՛, տեսնելու բան էր, թէ ի՞նչ ագահութեամբ կը ծծէր մեր փոքրիկ մրջիւնը իր բերնը դրած քաղցրահամ ու դովացուցիչ հիւթը :

Միշտ այդպէս կը կերակրեն փոքրիկները, նախ կուտան քաղցրահամ նիւթեր, յետոյ երբ արդէն քիչ մը մեծած կ'ըլլան, կուտան հացահատիկներ, մանաւանդ ցորեն:

Բայց պէտք է ըսել, թէ տրուած ցորենը կոշտ չէ, այլ փափուկ է և նիւթալի, որովհետեւ փոքրիկներու տրուելիք ցորենները պահուած կ'ըլլան զով ու չոր մատաններու մէջ :

Քիչ յետոյ կարան բերաւ նոր տեսակի ցորեն-հատիկ մը և դրաւ իր խնամքին տակ եղող փոքրիկին առջեւ: Մըջնիկը գեռ անվարժ էր, բան մը չէր հասկնար: Ան չէր կրնար հաստատ ու համարձակ քալել:

Կարան, որ կանգնած էր անոր մօտ, կարծես կ'ըսէր իրեն.

— «Կե՛ր առջեւիդ ցորենը»:

Բայց փոքրիկը չը մօտեցաւ ցորենի հատիկին, որովհետեւ ինչ ըլլալը չէր զիտեր:

Կարան ինքը սկսաւ լիզել ցորենը, փոքրիկը բան մը չը հասկցաւ, նոյն իսկ տեղէն չը շարժեցաւ: Կարան շատ համբերեց, բայց երբ տեսաւ որ բան մը չէր հասկնար, մօտեցաւ ու սկսաւ հրել իր այդ բժամիտ աշակերտը, ու այնպէս մը հրեց, որ փոքրիկին բերանը դպաւ ցորենին: Իսկոյն, երբ մըջնիկին բերանը հիւթալի ցորենին համն առաւ, անմիջապէս լիզել սկսաւ:

Կարան հանգստացաւ, վերջապէս հասած էր նպատակին:

Կարան ու իր ընկերները այսպէս կը կերակրէին նորածին փոքրիկները:

Քիչ յետոյ, երբ կարան մըջնիկ մը կերակրելով զբաղած էր, ներս մտան Քաղօն ու Միրմօն միասին:

— Հը՛, կարա՛, հարցուց Քաղօն, շատ պնդագր-լուկ չե՞ն միթէ փոքրիկներդ: Ես բաւական շատ չար-չարուեցայ իմիններուս հետ:

— Ա՛լ մի ըսեր. մէկուն վրայ ես ալ չարչար-ուեցայ. սակայն չեմ գանգատիր. անոնք դեռ փոքրիկ են, իսկ փոքրիկները պահող մեծցնողը մեծ համբե-րութիւն պէտք է ունենայ: Դէ՛, զացէ՛ք, զացէ՛ք, հիմա կը խանգարէք զիս... մանաւանդ որ դուք ալ գործ ունիք արդէն, պարապ չէք:

Կարան դեռ խօսքը չէր աւարտած, երբ հոսկէ հոնկէ գուրս թափուեցան բանուոր մըջիւնները, մօ-տեցան աշխատող ընկերներուն և շօշափուկները իրա-րու քացցին: Ամէնքն ալ յուզուած էին ու գրգուած, բարձրացան վերնայարկր:

Բայց ի՞նչ պատահեր էր, ինչո՞ւ համար էր այդ իրարանցումը:

Ահա՛ թէ ի՞նչ:

Վերեւը, մըջնոցին պիսաւոր մուտքին մօտ, ահազին միջատ մը կար. բազմաթիւ մըջիւններ թափ-ուեր էին վրան և կ'ուզէին ներս բերել: Բայց միջատը դեռ ողջ էր. վտանգաւոր էր անոր զլուխը, որուն վրայ կ'երեւային երկու բաւական խոշոր ծնօտներ: Ատիկա Մայիսի բգէզ մըն էր:

Թէեւ անիկա իր ուժեղ ծնօտներով մէկ քանի մըջիւններ մէջտեղէն կիսած էր, բայց մըջիւնները չէին վախնար, այլ նորէն ու նորէն կը յարձակէին վրան: Այսպէսով այնքան ծակծկեցին այդ թրթուրէ փափուկ մարմինը, որ խեղճը քանի մը անզամ կըծ-կուեցաւ և ապա վերջին անզամ մըն ալ կծկուելով՝ սնչարժադադաւ:

Մըջիւններէն մէկ քանիները իրենց սպան-նուած ընկերները առին և տարին մըջնոցէն քիչ հե-ռու տեղ մը թաղեցին, իսկ անոնց մեծ մասը բգէզին

փոխադրութեամբը զբաղեցաւ :

Երբ քիչ յետոյ կարան, Միրմօն ու Քաղօն հանդիպեցան իրարու միւս սենեակին մէջ, կարան հարցուց .

— Միրմօ՛, գուն առաջ վագեցիր, ըսէ տեսնենք, թէ այդ ի՞նչպէս եղաւ, որ մեր մըջնոցին առջեւ մայիսեան բգէզը երեւաց...

— Անիկա մեր մըջնոցին առջեւը չէ եղեր— պատասխանեց Միրմօն — այլ մեր բանուորները զայն քաշքաշելով բերեր են հեռու տեղէ : Կ'ըսեն թէ քանի՛ քանի՛ անգամներ, երբ բգէզը կը կծկուէր, քիչ մնացեր էր որ իր ուժեղ ծնոտներուն մէջը առնէր մեր ընկերները... : Օ՛, ե՛թէ անոր ծնոտներուն տակը իյնային, վայրկենապէս երկու կտոր կ'ըլլային... : Ու երբ մըջնոց են բերեր զայն, ամէն կողմէն մեր զինուորներն ու բանուորները վրան են ինկեր, ու այդ պատճառաւ ալ բաւական զոհ ենք ունեցեր, բայց լաւ է որ համեմատաբար քիչ վնասով շատ լաւ պաշար մըն ենք ձեռք բերեր :

կարան զարմացաւ :

— Տեսա՞ր, կա՛րա, թէ ո՛րքան ուժով են մեր բանուորները. այդ հեռու տեղէն կրցեր են քաշքաշելով բերել այդ հսկան :

Միրմօն չէր սխալած :

ՄՐՋԻՒՆԵՐՈՒԽ ՀՈՒՆՉՔԸ

Այդ օրէն բաւական ժամանակ էր անցած. ցուրենի արար հասունցած էր :

Միրուն արեւոտ օր մը կարան պատահեցաւ Միրմոյին և ըսաւ.

— Միրմօ՛ ճան, հապա չ'երթա՞նք մեր տեսած արար հնձելու. չէ՞ որ ժամանակ է : Երթա՞նք,

քանի երկոտանի հսկաներ բոլորը չեն ժողոված դեռ հոն :

— Այո՛, կարա՛ ճան, ես ալ ճիշտ այդ մասին կը մտածէի. երթա՞նք մեր ընկերներուն հետ խօսինք :

իսկ երբ անոնք մօտեցան իրենց ընկերներէն շատերուն և արտը հնձելու մասին խօսեցան, ամէնքն ալ միեւնոյն պատասխանը տուին . — «Ի հարկէ՛, ի հարկէ՛...» :

Ուրեմն ամէնքն ալ համաձայն են հունձքի երթալու : Եւ իրա՛ւ ալ, յաջորդ առտուն կանուխ ամէնքն ալ արթնցան և ճամբայ ինկան՝ դէպի արտը : Միրմօն և կարան առջեւէն կ'երթային : Արդէն կը մօտենային : Հեռուէն կ'երեւար ոսկեփայլ արտը, որ ալիքի պէս կը տատանէր հովէն :

Երբ արդէն մօտեցան, մեծ ոգեւորութեամբ առաջ վագեցին ու մտան արտը :

Երկար բարակ ոպասելու սովորութիւնը չունէին, իսկոյն գործի ձեռնարկեցին : Գետնին վրայ շատ հատիկներ չը գտնելով, կարան մօտեցաւ Միրմոյին և ըսաւ.

— Արգեօք չը բարձրանա՞նք ցօղուններուն վրայ :

— Ես ալ ատիկա կ'ուզէի ըսել, պատասխանեց Միրմօն : կարա՛, գուն գնա՛ ուրիշ ցօղունի մը վրայ բարձրացի՛ր, իսկ ես ալ սա մեծ հասկին կը հասնիմ :

Միրմօն սկսաւ բարձրանալ. մէկ քանի մըջիւններ ալ իրեն հետեւեցան :

Հասկին վրայ եղողները կը կրծէին պատեանները և վարը եղած ընկերները կը հաւաքէին անոնց մէջէն վար թափուող ցորենն ու կը տանէին տուն : Այսպէս եռանդով առաջ կ'երթար գործը : Բայց ու-



ըիշ տեղ մը շատ անյաջող կ'երթար աշխատանքը.
ինչ որ ալ կ'ընէին, դարձեալ չէին կրնար ցո-
րենը պատեանէն հանել։ Երբ բանուոր մրջիւնները
տեսան, որ գործը առաջ չ'երթար, վար իջան ու, մէկ
քանի վայրկեան խորհրդակցելէ յետոյ, սկսան ցո-
զունը կրծել։ Այնքան կրծեցին որ հասկը թեքեցաւ
ու վար պիտի իյնար, երբ ցողունին ծայրին երեւցաւ
մեր կարան։

Թէ ի՞նչպէս եղաւ, որ ան մնաց այդտեղ, ո՞չ
մէկը չը հասկցաւ։ Արդէն ուշ էր, ա'լ վար չէր կրր-
նար իջնել. հասկը մէկ կողմ ծոեցաւ ու... թրո'խկ,
ինկաւ գետին։ Քանի մը մրջիւններ վազեցին անոր
օգնելու։ Խեղճը մնացեր էր ծանը հասկին տակ, աշ-
խատեցան տակէն հանել զայն։ Միրմօն ալ վարն
էր. երբ իմացաւ իր սիրելի ընկերոջ պատահածը,
շտապեց օգնութեան։

— Ի՞նչ եղաւ, կարա՛, հօ՛ շատ չը վսասուե-
ցա՞ր։

Անիկա չը պատասխանեց. հաղիւ կանգնած էր
ոտքի վրայ. աչքը տեղը չէր. ընկերները բոնած պա-
հած էին զայն։ Քիչ յետոյ աչքը բացաւ ու մոլոր-
ուած նայուածքով դիմեց Միրմօին։

— Ո՞վ ես դուն, որ կը խօսիս ինձ հետ... Ախ,
Միրմօ՛, դո՞ւն ե՛ս... : Ոչի՞նչ, ոչի՞նչ... բան մը
չըկայ. միայն թէ քիչ մը վախցայ... բայց այս ի՞նչ
է, չե՛մ զգար թէ ուր եմ ես... : Այդ դո՞ւն ես, Միր-
մօ, այս ա՞րտն է... .

— Ես եմ, կարա, ե՞ս։

Միրմօն զարմացաւ, թէ արդեօք ի՞նչ է պատա-
հեր իրեն, որ բան մը չի զգար։ Ուստի մօտեցաւ ու
սկսաւ քիչ մը ցնցել զայն։ Այն ինչ որ տեսաւ, շատ
ալ ուրախալի բան մը չէր։

— Ա՛, կարա՛, այդ ինչո՞ւ են թեքուեր շո-

շափուկներդ. պա՛-պա՛-պա՛... վիրաւորուեր են:
Երկուքն ալ քիչ մը տրորուեր են։ Բայց ոչի՞նչ,
վտանգաւոր չէ. լաւ որ բոլորովին չեն կոարտուեր։
Բան մը չը կայ... կ'առողջանան... : Եկուր երթա՞նք,
վէրքդ պէտք է լիգել, որ շուտ լաւնայ։

Միրմօն տարաւ զայն ապահով տեղ մը։

Վերսդըրջ. — ԿԱՆՉՐԵՒԻ. — ՈՒՐԱԽԱԼԻ ՀՈՒՐ ՄԸ

Յանկարծ եղանակը ցրտեց. քամին սկսաւ սաստ-
կանալ։ Ամպերը ծածկեցին արեւին դէմքը և անոր
լոյսը սկսաւ աղօտնալ։ Արար կատղած ծովու պէս
ալեկոծուեցաւ։ Շուտով երկինքը ծածկուեցաւ ամ-
պերով։

Մրջիւնները նախազգացին եղանակին փոփո-
խութիւնը. աշխատանքն ընդհատեցին ու ամէն մէ-
կը ցորենի հատիկ մը բերանը առած՝ ճանապարհին-
կաւ դէպի տուն։

Այս անգամ ուրիշ ճանապարհ մը ընարեցին,
որ աւելի նեղ էր և կ'անցնէր կանանչ ու բարձր
խոտերու մէջէն։ ապահով էր և պաշտպանուած։

Անոնք կը շտապէին։ Անոնց մէջ երեւցան
Միրմօն և կարան։ վերջինիս բերանը ցորեն չը կար։
Խեղճին շօշափուկները երբէք ուղիղ չէին կենար։
քիչ մը շարժեր թէ չէ, իսկոյն վար կը կախուէին։
Ատոր համար ալ ան չէր կրնար հաստատ քալել։
Բանուորները ըրջապատուած էին ծնօտները սրած
պինուորներով։

Այս ճանապարհը լաւ գիտէին մրջիւնները,
որովհետեւ իրենք էին շինած և վտանգի մը ժամա-
նակ ալ այդ տեղէն է, որ կը վերապանային։

Անոնք դեռ շատ ճանապարհ չէին անցեր, երբ
հովը աւելի սաստկացաւ ու սկսաւ անձրեւել։ կա-

թիլներով սկսած այդ անձրեւը յանկարծ այնպիսի
ուժգնութեամբ սկսաւ տեղալ, որ մրջիւնները շփու-
թեցան ու, արագացնելով իրենց քայլերը, եկան հա-
սան ապահով տեղ մը և ամէնքն ալ մտան մէջը ու
մուտքը փակեցին :

Բայց անձրեւը ինչպէս յանկարծ սկսած էր,
այնպէս ալ դադրեցաւ յանկարծ : Քամին ամպերը
քշեց ու երկինքը նորէն բացուեցաւ :

Նորէն երեւցաւ արեւը և իր ոսկի ճառագայթ-
ները փայլեցան անձրեւէն գոյացած վտակներու մա-
կերեսին վրայ :

Մրջիւնները շատ ուրախացան ու շարունա-
կեցին իրենց ճանապարհը : Գացին գացին և հասան
առուակի մը եզերքը . ա'լ առաջ երթալու հնար չը
կար : Օ՛, մրջիւնները ատելով ատած են ջուրը,
որովհետեւ անգամ մը որ ջուրին մէջն են ինկած՝ ա'լ
ապատում չը կայ իրենց համար :

Առուակին եզերքին երկարնքովը գացին քիչ
մը վեր . հոն՝ ջուրին երկու ափերուն միջեւ՝ բա-
ւականաչափ բարձրագիր խոտեր կային, որ իրարու
վրայ ծոելով, ծոելով տեսակ մը կամուրջ կաղմած
էին : Մրջիւնները հասան այդ բնական կամուրջին
սուքը, բայց անմիջապէս չը բարձրացան վրան, այլ
քիչ մը կեցան, նայեցան բարձր կամուրջին ու ջուրի
հոսանքին ու իսկոյն վճռեցին :

Անոնցմէ մէկը վեր բարձրացաւ, գնաց...
գնաց... ու անցաւ միւս ափը : Այդ որ տեսան
մնացած մրջիւնները, աւելի ոգեւորուեցան : Ահա՛
առաջին մրջիւնը բարձրացաւ, հասաւ բոյսին ծայրը,
կանգ առաւ քիչ մը ու սպասեց յարմար վայրկեա-
նին միւս ափը անցնելու համար և անցաւ : Շուտով
ցողունին ծայրը այնքան շատ մրջիւն հաւաքուե-
ցաւ, որ բոյսը վար ծոեցաւ և ծայրն ինկաւ ջուրին

մէջ, իսկ վրայի մրջիւնները ջուրը տարաւ հեռո՛ւ...
հեռո՛ւ...:

Մահէն ազատեցան այն մրջիւնները միայն,
որ ժամանակին վար իջած էին ցողունէն : Անոնցմէ
շատերը, որ այս կամուրջը թողելով շարունակեր
էին իրենց ճանապարհը, քիչ հեռուն հրաշալի ու
ապահով կամուրջ մը գտած էին իրենց համար : Եղածը
կոտրած ծառի ճիւղ մըն էր, զոր քամին երկարած էր
առուակին վրայ :

Ի՞նչ ըսել, որ մրջիւնները շատ ուրախացան
ու սկսան արագ կերպով միւս կողմը անցնիլ : Բայց
եղան անհամբերներ ալ, որոնք իրենց շտապողակա-
նութեանը պատճառով վար ինկան կամուրջէն ու
խեղդուեցան ջուրին մէջ :

Այսպէսով, թէեւ անցան միւս կողմը, բայց
իրենց պաշարին մեծ մաշը մնաց այն ափը, որովհե-
տեւ բեռներով միասին անցնիլը շատ դժուար էր :

Վերջապէս, բաւական թափառելէ յետոյ, գտան
իրենց ճանապարհը և հայան տուն :

Տանը մէջ մեծ ուրախութիւն կրսպասէր մեր
կարային ու Միրմոյին : Երբ ներս մտան յոգնած,
յանկարծ վիրենք դիմաւորեց մրջիւն մը : Իսկոյն մօ-
տեցան իրարու ու բարեւեցին : Կարան լաւ չէր
զգար իր վնասուած շօշափուկներուն պատճառով,
բայց Միրմօն իսկոյն ճանչցաւ դիմաւորող մրջիւնը
ու լուսաւ :

— Կօնօ՛, այդ դո՞ւն եւ :

— Ե՛ս եմ, ե՛ս, կարա՛ :

— Օ՛ կօնօ... կօնօն...

Նորէն մօտեցան իրարու և շօշափուկներով ու
ծնուններով սիրալիր կերպով բարեւեցին իրարու :

— Ա՛յ կօնօ, լսաւ կարան ուրախացած, ու-
րեմն այդ դո՞ւն ես, մեր սիրելի, մեր քաջ կօնօն... :

Ներէ՛, կօնօ՛, որ չը կրցայ ճանչնալ քեզ... : Ա՛խ,
շօշափուկներս... :

— Այդ ի՞նչ է եղեր քեզ, հարցուց կօնօն:
— Է՛ն, կօնօ՛, այդ մասին ուրիշ անգամ կը
պատմեմ. հիմա դուն ըսէ՛ տեսնենք, ի՞նչպէս աղա-
տեցար այդ անպիտան թշնամիներէն :

Կօնոյի վերադարձին լուրը կայծակի արագու-
թեամբ տարածուեցաւ մըջնոցին մէջ ու երբ մեր
երեք ընկերները իջան վարի յարկը, բազմաթիւ
մըջիւններ շտապեցին անոր մօտ ու «բարի եկար»
ըսին :

Իսկոյն ճաշի հրաւիրեցին զայն ու հիւրասի-
րեցին մառանէն նոր հանուած հիւթալի ցոքենով :

ՄՐՋԻՒՆՆԵՐՈՒԻՆ «ԿԹԱՆ ԿՈՎԵՐ»Ը

Հետեւեալ օրը շա՛տ տաք էր դուրսը, ասոր
համար ալ մըջիւնները դուրս չեկան աշխատելու:
Մէկ մասը մըջնոցին մէջ կը գործէր, իսկ միւս մասն
ալ կը հանգստանար իրիկու ան աշխատանքին համար:

Այդ օրը Միրմօն, կարան ու կօնօն լաւ մը
ճաշելէ վերջ գացին «կթան կովերուն» մօտ՝ անուշ
հիւթ ծծելու համար :

Բայց ի՞նչ կըսեմ, ես բոլորովին մոոցայ, որ
դուք այս «կթան կովերու» մասին բան մը չէք գի-
տեր, ուրեմն այս մասին ալ ձեզ պիտի խօսիմ:

Դուք հարկաւ տեսած պիտի ըլլաք գնդասեղի
գլխու մեծութեամբ մանր ու կանանչ միջատներ, որ
կ'ապրին ծառերուն, ծաղիկներուն, վարդենիներուն
ձիւղերուն վրայ : Ով գիտէ քանի՛ քանի՛ անգամներ
վարդ քաղած ատեն անգիտակցաբար մատերնուդ տակ
տրորած էք հապարաւորներ և ձեռքերնիդ կեղտո-
տած : Եթէ ցարդ ուշադրութիւն չէք դարձուցած

անոնց վրայ, այժմ աւելի լաւ դիտեցէք : Անոնք կը
կոչուին ափիս : Այդ փոքրիկ միջատները իրենց փո-
րին վարի կողմն ունին երկու բարակ խողովակներ,
որտեղէն անուշ հիւթ կ'արտադրեն անոնք. մըջիւն-
ները շա՛տ կը սիրեն այդ հիւթը, ուստի կը ժողվեն
այդ ափիսները, իրենց տունը կը բերեն և հոն կ'ըն-
տելացնեն զանոնք : Մըջիւնները իրենց այդ «կով»ե-
րուն համար թուփիերուն տակ կամ տերեւախիտ
ծառերու ճիւղերուն վրայ յարմար տնակներ կը շի-
նեն, զաւ մը կը կերակրեն զանոնք, կը պահեն, կը
պահպանեն, որպէսպի ափիսը սնունդի պակասութիւն
չ'ունենայ :

Ի՞նչ խօսք, որ ափիսներն իրենք ալ շատ գո՞յ
կ'ըլլան մըջիւններուն վարմունքէն, կը սիրեն իրենց
տէր-մըջիւնները և չեն փախչիր անոնցմէ : Եւ ի՞նչո՞ւ
փախչին, քանի որ մըջիւնները առատ-առատ կը
կերակրեն զիրենք ու լաւ կը խնամեն : Բայց պէտք
չէ մոռնալ, թէ իրենք ալ անուշ հիւթ կը հայթայթեն
մըջիւններուն, երբ որ ուզեն այս վերջինները : Այս-
պէսով, ինչպէս կը տեսնենք, երկու կողմերն ալ փո-
խադարձաբար իրարու օգնած կ'ըլլան :

Այդ օրը, երբ մեր երեք ընկերները որոշած էին
անուշ հիւթ ծծել, «կով»երը տունն էին. անձեւի
պատճառով ներս էին բերեր, որպէսպի չը խեղուին
ջուրին մէջ : Արեւոտ օրերը մըջիւնները գանոնք կը
տանին հիւթալի ծաղիկներուն վրայ արածելու:
Իսկ եթէ անոնց վրայ թշնամիներու կողմէ ո՛ր և է
յարձակում ըլլայ, մեր «կովարածները» իրենց
կեանքի գինով կը պաշտպանեն «հօտը» : Քիչ չի պա-
տահիր որ այդ «կով»երուն պատճառով կոիւ տեղի
ունենայ երկու թշնամի մըջնախումբերու միջեւ :

Ուրեմն, ինչպէս տեսաք, Միրմօն, կօնօն ու
կարան գացած էին «կով»երուն մօտ անուշ հիւթ

ծծելու համար : Անոնցմէ ամէն մէկը ԱՓիՍի մը
մօտեցաւ, գրաւ բերանը անոր ետեւի խողովակին
ու իր առջեւի ոտքերով թեթեւօրէն զարկաւ անոր
փորին : Ափիսը իսկոյն քաղցր ու անուշաբոյր հիւթ
մը արտադրեց. այսպէս շարունակելով իրենց շար-
ժումները, մըջիւնները լաւ մը խմեցին, կշտացան ու
յետոյ մէկ կողմ քաշուեցան :

— Օ՞խ, ըսաւ կօնօն, այս ի՞նչ լաւցեր է մէր
կովերուն կաթը, երկար ժամանակ համը չէի առեր,
կարօտցեր էի...

Երկու ընկերները կը պատրաստուէին գուրս
գալու, երբ տեսան, որ կարան իր կթան կովը մէկ
կողմ տանելով, ուրիշ մը բերած է ծծելու համար :
Միրմօն, երբ այդ տեսաւ, քիչ մը բարկացած ձեւով
ըսաւ .

— Է, կարա՛, հիմա եղա՞ւ այդ բանը : Եթէ
մենք ամէն մէկս երկու կով կթենք, հապա մեր միւս
ընկերները ի՞նչ պիտի ուտեն :

Բայց Միրմօն հագիւ իր խօսքը վերջացուցած
էր, երբ ներս մտան քանի մը բանուոր մըջիւններ
ու յայտնեցին, թէ եկած են լաւ կով մը տանելու
թագուհիին համար :

Երեք ընկերները ուռած փորերով գուրս եկան
ներքնայարկէն :

— Վա՞յ, Միրմօ ճա՞ն, փո՞րս .— աղաղակեց կա-
րան :

— Այ, ճաթիս հա, ագա՛ն — զայրացաւ Միր-
մօն — ինչո՞ւ այսքան խմեցիր դուն, դեռ եթէ
թոյլ տայինք, ո՞վ գիտէ որչափ պիտի խմէիր :

— Էհ, կօնօ՛, ըսաւ Միրմօն, խօսքը անոր
ուղելով, հիմա երթանք դով տեղ մը և դուն
պատմէ, թէ ո՞ւրտեղ էիր և ի՞նչպէս աղատեցար :

ԿՈՆՈՅԻ ՊԱՏՄՈՒԹԻՒՆԸ ՍՏՐԿԱՏԷՐ ՄՐՁԻՒՆԵՐՈՒ ՄԱՍԻՆ

— Դէ՛, բոլորդ ալ գիտէք, թէ ես գերի էի
ինկեր թշնամիներուն ձեռքը : Անոնք զիս բաւական
չարչարելէ յետոյ տարին խցեցին մութ տեղ մը :
Միւս օրը եկան համնեցին ու տարին աշխատանքի :
Ահապին թիւով մըջիւններ կ'աշխատէին : Մէյ մ'ալ
տեսայ, որ մեր տէրերը բան մը չեն ըներ, պարապ
կեցած են ու կը հակեն մեր վրայ : Յետոյ տեսայ որ
բոլոր աշխատովներս ալ ստրուկներ ենք, որ հող,
սերմ և տարբեր տեսակի մըջիւններու թըթուրներ
կը կրենք : Կամաց կամաց պարզուեցաւ, որ անոնց
սենեակները լիցուն են յափշտակուած պաշարով,
օտար ձուիկներով ու թըթուրներով : Այդ թըթուր-
ներէն գուրս եկած մըջիւնները իրենց համար
ստրուկներ գարձուցած էին և անոնց աշխատանքովը
կ'ապրուէին իրենք :

Բայց բան մը ա՛լ աւելի պարմացուց ինծի :
Ես ինկեր էի այնպիսի ստրկատէրերու մօտ,
որոնք հաստատ տուն-տեղ չ'ունէին, այս ու այն
կողմ թափառելով և ասոր անոր ունեցածը յափշտա-
կելով կ'ապրուէին : Երեւակայեցէ՛ք, անոնք ոչ միայն
չեն աշխատեր, այլ նոյնիսկ կը հաւատա՞ք, եթէ
ըսեմ, կը ձանձրանան իրենք իրենց կերակուր ու-
տել . երեւակայեցէ՛ք, երբ ներսի սենեակէն հողի
կոյտ մը տուած գուրս կուգայի, տեսայ որ ստրկա-
տէրերը կեցեր են, իսկ անոնց ամէն մէկուն առջեւ
ստրուկ մը կայ : Տէրերը կը հրեն ստրուկները . իսկ
այդ իսեղճերը կը կերակրեն դանոնք, հիւթ կուտան-
անոնց : Աշխատանքի անընդունակ են և եթէ այդ
ստրուկները չըլլան, անոնք անօթութենէ կը մեռ-
նին : Բայց եթէ գործը կոխւի համար, այն ատեն գուն

անոնց կոփելը տես։ Մեծ ու սուր ծնօտներնին բացած կը յարձակին թշնամիներուն վրայ ու կտոր կտոր կ'ընեն զանոնք։ Շատ համարձակ են ու կատաղի։ Իրենց միակ նպատակն է ստրուկներուն թիւր բազմացնել ու անոնց միջոցաւ լաւ ապրիլ։

Առաւօտ մըն ալ, երբ մեր տէրերը մեծ աւարով ու ահագին գերիներով տուն վերադարձան, տունը մնացած մրջիւնները մեծ ուրախութեամբ առաջ վազեցին։ Այսպէսով անոնք զբաղեցան թալանած աւարը տեղաւորելով։ Ես ու ընկերս երբ այս բանը տեսանք, յարձակեցանք մեր երկու պահապաններուն վրայ, վիրաւորեցինք զանոնք և սկսանք փախչի։ Հարկաւ ասիկա իմացան ու ինկան մեր ետեւէն, բայց ի՞նչպէս պիտի հասնէին...։ Մենք մտանք խոտերուն տակ, պահուըտեցանք քիչ մը. անձրեւն ալ երբ սկսաւ, ա'լ չը կրցան մեզ զտնել և վերադարձան տուն։ Վերջապէս ես կերպով մը տուն հասայ, իսկ ընկերս առաջ գնաց. անոնց բնակարանը մերինէն քիչ մը անդին է։

— Կօնօ', այսօր ես փոքր կարմրագոյն մրջիւն մը տեսայ. անիկա հօ՛քու ընկերդ չէ՞ր, — հարցուց Միրմօն։

— Այո՛, այո՛, ճի՛շտ ան էր։

— Ի՞նչ կը կարծես, կօնօ', անոնք պիտի մոռնա՞ն այս փախուստը, հարցուց անոնց քով կեցած ուրիշ մրջիւն մը, Միրմօյի ու կարայի պատճառով քանիներ սպաննեցին. հիմա ալ դուք փախաք։

— Հազիւ թէ մոռնան զիս, — ըսաւ կօնօն։ Անոնք այնքան ալ հեռու չեն մեզմէ։ Զէ՛, միեւնո՞յն է, անպատճա՞ռ պիտի հեռանանք այս վայրէն, պիտի տեղափոխուինք ուրիշ տեղ։

Պատմութիւնը վերջացաւ։ Արեւը շատ էր տաք, անոնք մտան վարի յարկը։ Սրահներէն մէկուն

մէջէն անցան թեւաւոր մրջիւնները...»

— Հէյ, այս արուները կը թափառին պարապարապ, ըսաւ կարան։

— Ինչո՞ւ այդպէս կ'ըսես, — խօսեցաւ Միրմօն նեղացած։ Միթէ չե՞ս գիտեր, թէ երբ թագուհիները ձուփիներ ածեն վերջացնեն, անոնք կամ կը մեռնին, կամ թեւերնին կորսնցնելով գործի կը սկսին։ Քիչ մըն ալ համբերէ՛, շուտով կ'ազատինք անոնցմէ։

Ու յարմար տեղ մը գտնելով, երեքն ալ նստեցան հանգստանալու։

ՊԱՏԵՐԱԶՄ. — ԹՇՆԱՄԻՆ կը ՑԱՂԹՈՒԻ

Երկրորդ օրը բնակարանի գլխաւոր մուտքի պահապանները յանկարծ իրար անցան։ Անոնցմէ մէկը մօտեցաւ միւսին և ըսաւ.

— Ընկե՛ր, չե՞ս զգար թշնամիին հոտը։

Ընկերը շարժեց շօշափուկները, լոեց քիչ մը և յետոյ պատասխանեց.

— Այո՛, ես ալ կը զգամ. ճիշտն ըսելով ես առաջ իսկ զգացի, բայց միշտ ալ կը կարծէի թէ կը սխալէի։

Այդ վայրկեանին քանի մը մրջիւններ երեւցան հեռուն, որոնք շտապով դէպի մրջնոցը կուզային։ ատոնք իրենց բանուըրներն էին որ, զգալով թշնամիին մօտենալը, թողեր էին իրենց դաշտային աշխատանքները ու փախեր։

Ահա՛ մօտեցան մրջնոցին. մէկն ըսաւ։

— Կուզա՞ն... կուզա՞ն... զրացի մրջնոցին վրայ յարձակեցան, մենք հաղիւ ապատեցանք։

Շուտով այս մրջնոցին մօտ սկսան վազել ցեղակից մրջիւնները։ Կօնօն ու Միրմօն մօտեցան ա-



նոնցմէ մէկ քանիին և հարցուցին .

— Ինչո՞ւ կը փախչիք :

— Հապա ի՞նչ ընենք , պատասխանեց փախստականներէն մէկը , թշնամին աւերեց մեր մըրջնոցը : Ա՛լ ձուիկ , ա՛լ թրթուր , ա՛լ հարսնեակ , ա՛լ ձմեռուան պաշար չը թողուցին . բոլորը , բոլորը յափշտակեցին տարին : Անտանելի է մեր վիճակը . կը փախինք , բայց մենք ալ չենք զիտեր թէ ո՞ւր :

Անոնց պատմածները շատ վատ տպաւորութիւն թողուցին մեր մըրջիւններուն վրայ :

— Այս վայրկեանին իսկ պէտք է հեռանալ այս տեղէն , ըստ Միրմօն : Վայրկեանի մը մէջ ամբողջ մըջնոցը իմացաւ և մէկ մարդու պէս որոշեցին իսկոյն փախչիլ և հեռանալ այս տեղէն : Անմիջապէս խումբ մը բանուորներ զինուորներու ընկերակցութեամբ ճանապարհ ինկան . անոնց պաշտօն էր տրուած բնակարաններու համար ապահով տեղ ընտրել :

Երբ բնակարանի տեղը որոշուեցաւ՝ վերջացաւ , անմիջապէս մէկ քանի զինուորներ վերադարձան մըրջնոց ու յայտնեցին այդ մասին : Շուտով միւս մըրջիւններն ալ անոնց առաջնորդութեամբ ճամբայ ինկան . հարկաւ , իրենց հետ վերցուցին ինչ որ կրնային , — ձուիկներ , թրթուրներ , հարսնեակներ , ցորենի պաշար : Ի՞նչ խօսք , որ չը մոոցան նաեւ իրենց «կովեր»ը :

Թշնամինները շատ հեռու չէին , իսկոյն հասան լքուած մըջնոցը . ներս վազեցին , բայց մնացին զարմացած , որովհետեւ մէկ հատ իսկ կենդանի մըրջիւն չէր մնացեր հոն : Այնտեղ գտան միայն քիչ քանակութեամբ ձուիկ , թրթուր և բաւականաչափ ցորենի պաշար : Խեղճերը չէին կրցած բոլորը ազատել :

Աւազակները բարկացած այս ու այն սենեակն էին մտեր բան որոնելու , իսկ այդ միջոցին մեր



մըջիւնները մտան անտառ :

Թշնամիները շատ բան չը գտնելով մըջնոցին մէջ, շուտով դուզա եկան : Հիմա վաղեցին դէպի ուրիշ մըջնոցներ : Բոլորովին պատահաբար գացին այն ճանապարհով, որով քիչ առաջ փախեր էին մեր մըջիւնները :

Աւազակները շուտով հասան անտառ : Անոնք մարմինով աւելի խոշոր էին, ունէին մեծ ու սրածալի ծնօտներ, որոնք սպաննութենէ զատ ուրիշ ո՛չ մէկ աշխատանք կատարելու ընդունակ չէին:

Ահա՝ այդ աւազակները հասան մեր մըջիւններուն ու յարձակեցան անոնց վրայ :

Պատերազմը սկսաւ : Երկու կողմերն ալ կը կռուէին մեծ զայրոյթով, իրար կը խածնէին, կը ջարդէին ու կը կռառորէին :

Մեր մըջիւնները աւելի կատաղի կը կռուէին, որովհետեւ անոնց կրիւր ո՛չ թէ ուրիշները կողոպտելու և ունեցածնին յափշտակելու համար էր, այլ միայն և միայն ինքնապաշտպանութեան և իրենց բարեկամներուն ու ազգականներուն ունեցուածքին պաշտպանութեան համար : Այ ու ձախ կը սպաննէին, կ'ոչնչացնէին աւազակները :

Ստրկատէր յափշտակիչները ուժեղ յարձակում մըն ալ գործեցին ու քիչ էր մնացեր որ յաղթէին, երբ այդ իսկ միջոցին չորս կողմէն մեծ թիւով նորմըջիւններ կայծակի պէս ինկան անոնց վրայ : Այդ ամէնը այնքան անսպասելի կերպով կատարուեցաւ, որ թշնամին շփոթած բոլորովին թուցաւ ու սկսաւ փախչիլ :

Մեր քաջերը ու իրենց անծանօթ օգնականները ինկան աւազակներուն ետեւէն և սկսան աջ ու ձախ ջարդել զանոնք :

Պատերազմը վերջացաւ թշնամիին պարտու-

թեամբ։ Երկու կոմին ալ շատ գոհեր եղան։ Օգնութեան եկողները փոքրիկ, կարմրագոյն մրջիւններ էին։

Պատերազմին յետոյ երկու ցեղակից մրջիւնները հաւաքեցին իրենց ձուիկները, թրթուրները և հարսանեակները, զորս կրցեր էին ազատել աւազակներէն և ճամբայ ինկան։ Վիրաւորուածներն ալ իրենց հետ տարին։

Բայց թէ ո՞ւր կանգ առին և ո՞րտեղ շինեցին իրենց բնակարանը, այդ մինչեւ այսօր ալ մնացեր է գաղտնիք, որովհետեւ այս անզամ անոնք այն տեսակ ծածուկ ճանապարհներով գացին, որ կարելի չեղաւ անոնց հետքը պահել. այդ հետքը կորսնցուցինք։ Այս կողմ վնտոեցինք, այն կողմ վնտոեցինք, բայց իզո՞ւր, ո՞չ մէկ տեղ չի գտանք։ Օր մը միայն արտին մէջ պատահմամբ տեսանք մեր Միրմօն ու իր ընկերը՝ Կօնօն։ Անոնք առաջուան պէս առողջ էին ու զուարթ։

— Կօնօ՛, Կօնօ՛, ի՞նչքան ցորեն կայ։ Շո՛ւտ ընենք, հաւաքե՞նք, եթէ ոչ այդ անպիտան երկոտանին մեզ կը խանգարէ, — ըստու Միրմօն և գործի անցաւ։ Անոնք շատ մտածել չեն գիտեր անցեալի վրայ։ «Անցեալը անցած է»՝ կ'ըսեն անոնք ու կը շարունակեն իրենց գործը։

Այսպէ՛ս, սիրելի ընթերցող, անոնց ալս վերջին խօսակցութիւնը միայն հասաւ մեր ականջին։ ա՛լ այնուհետև չի հանգիպեցանք իրենց։ Կ'երևայ թէ ըստ ու ապահով տեղ մը գտած են իրենց համար և կ'ապրին հանգիստ ու խաղաղ։

ՎԵՐՋ

ԱՅՍ ԷԶԸ ՅԱՏԿԱՑՈՒՄԾ Է ՅԱՅՏԱՐԱՐՈՒԹԵԱՆ



“ՄԱՍԻՍ”

ՌՈՒՄԱՆԻԱՅՑ ՀՐԱՏԱՐԱԿՈՒԹԻՒՆ ԱՆԱՆՈՒՆ ԸՆԿԵՐՈՒԹԻՒՆ

ԴՐԱՄԱԳԼՈՒԽ ԼԵՅ 500,000

Պուբլիկ, B-dul Maria, Nr. 8

Ընկերութիւնս ամէն ամսու 15-ին և 30-ին հրապարակ կը հանէ մէ, մէկ գիրք 32 էջէ բաղկացեալ:

ԼՈՅՍ ՏԵՍԱՐ Ե

- 1) Տէրն ու ծառան եւ ուրիշ պատմուածքներ
- 2) Սասունցի Դաւիթ

ՄԱՄՈՒԼԻ ՏԱԿ ԵՆ

- Քէփ ընողին քէփ չի պակսիր
- Տորբ Անդեղ
- Առիւծի Տղան
- Արեգնազան
- Ռէ,նիկէ Աղուէսը
- Գրիմ եղբայրներու հէքեաթները ևն, ևն.

ՔԱՂՈՒԱԾՆԵՐ ԸՆԿԵՐՈՒԹԵԱՆ ՀԻՄՆԱԿԱՆ ԿԱՆՈՆՎԳՐՅՆ

Յօդ. 7.— Հրատարակել հայ տղոց և պատանիներու համար հայերէն գասագրեր, գրական գործեր և հանդէսներ. տարածել հայ հասարակութեան խաւերուն մէջ արեմտեան մշակութը, ինչպէս նաև ծանօթացնել օտարներուն հայ մշակութը:

Հաստատել յատուկ մրցանակ՝ ընկերութեան շահին մէկ մասովը, բաջալերելու համար արժէքաւոր գրական գործերը: